



Na osnovu člana člana 13. Zakona o principima lokalne samouprave Federacije Bosne i Hercegovine ("Službene novine FBiH", broj 49/06 i 51/09) i člana 25. Statuta Općine Stari Grad Sarajevo – Prečišćeni tekst ("Službene novine Kantona Sarajevo", broj 20/13), Općinsko vijeće Stari Grad Sarajevo, na sjednici održanoj 28.12. 2017. godina, usvojilo je

ODLUKA

o nagrađivanju učenika završnih razreda osnovnih škola
na području Općine Stari Grad Sarajevo

Član 1. (Predmet Odluke)

Ovom Odlukom se uvodi Općinsko priznanje za učenike završnih razreda osnovnih škola iz Općine Stari Grad Sarajevo (u daljem tekstu: Općina), te propisuju kriteriji za dodjelu priznanja, način dodjele priznanja, i finansijski iznos priznanja.

Član 2. (Naziv priznanja)

Ovom odlukom Općina uspostavlja priznanje „Ponos škola Općine Stari Grad“ za učenike završnih razreda osnovnih škola sa teritorije Općine.

Član 3. (Kriterij za dodjelu priznanja)

(1) Priznanje „Ponos škola Općine Stari Grad Sarajevo“ dodjeljuje se učenicima koji su, tokom cijelog školovanja u svakom razredu osnovne škole na kraju školske godine, imali odličan uspjeh i primjerno vladanje.

(2) Izuzetno od stava (1) ovog člana, priznanje se dodjeljuje učenicima specijalnih škola u sastavu Centara za odgoj i obrazovanje djece sa poteškoćama na osnovu prijedloga nastavničkog vijeća specijalne osnovne škole.

Član 4. (Postupak dodjele priznanja)

(1) Osnovne škole sa područja Općine će, po završetku školske godine, dostavljati spiskove učenika završnih razreda, koji ispunjavaju kriterije iz člana 3. ove Odluke, Općinskoj Službi za obrazovanje, kulturu i sport .

(2) Komisija za obrazovanje, kulturu i kulturno historijsko naslijeđe u saradnji sa Službom utvrđuje Prijedlog liste dobitnika priznanja iz člana 2. ove Odluke.

(3) Konačnu Odluku o dodjeli priznanja donosi Općinski načelnik, a na osnovu utvrđenog Prijedloga liste dobitnika.

Član 5.

(Način dodjele priznanja i novčana naknada)

(1) Općinski načelnik će izvršiti dodjelu plaketa dobitnicima priznanja iz člana 2. ove Odluke.

(2) Svim dobitnicima priznanja će biti dodijeljena i nagrada u skladu sa mogućnostima i planiranim Budžetom, putem Službe za obrazovanje, kulturu i sport.

Član 6.

(Primjena Odluke)

Ova odluka će se primjenjivati od školske godine 2017/18, a sredstva za njenu realizaciju će biti obezbijedena u Budžetu Općine .

Član 7.

(Stupanje na snagu)

Ova Odluka stupa na snagu osmi dan od dana objave u "Službenim novinama Kantona Sarajevo"

PREDSJEDAVAJUĆI
OPĆINSKOG VIJEĆA STARI GRAD
SARAJEVO

dr.sci. Jusuf Pušina

Broj:02-49- *680/17*
Decembar, 2017. godine
Sarajevo